

備廬聯語已集

甲戌

孫繼武

世榮

與德配高毓馨夫人銀昏紀念

念五歲華唱隨美滿

大千世界眷屬神仙

新京新春飯店開幕

新序舊交綢繆情話

春花秋月跌宕天懷

蘇正經與王晶潔女士結昏

宜爾室家穀我士女

八月其穫三星在天

奉天電報學校

教育人才日新月異

交通要務電掣雷奔

輓北鎮齊瑞亭

極困窘艱難之境發憤自彊辛苦立家庭志潔行芳坊表尤爲鄉里最
播循良慈惠美名當官成績賢豪冠儕輩光前裕後令郎深慰老人懷

鄒伯平 世英 續絃

其新孔嘉室人入又

與子偕老維德之行

輓張嫂范夫人 仙舫原配

識嫂幾五十春幽閒貞靜食貧無戚容德性柔嘉終佐藁砧成偉業
閱世已七四歲淑慎塞淵持躬有雅致晚年豐厚爭欽萱壺播徽音

代畫師孫玉泉

翰墨作生涯憶往日登堂和氣融融迎繡座
音容歸極樂悵今朝設奠祥雲藹藹傍慈幃

代藏古齋趙雲亭

託仁人宇下生計是謀十載獲瞻依慈母光儀欽福壽
普厚德人間徽音孰嗣千秋留矩矱高型淑惠重閨門

輓金伯衡母劉太夫人

事姑孝育子勤歷境艱操心苦慈算踰八旬惟大德必得其壽
吏才長官聲好警政肅成績優英名馳一國有賢母乃誕奇男

輓蕭子麟尊人潤身翁

以任俠護地方忠肝義膽落落自豪聲譽著雙龍文武兼資捍鄉里
值倉皇寢葬祭馬蠶牛眠遲遲有待雲霄歸一鶴人民翹望想音容

輓馬階青

雲梯

相識踰四十年曾聯筆硯

壬辰在省垣龍王廟東廊伴讀

又重姻親

君之胞姪女爲鴻兒婦

回首龍廊猶憶書

窗舊事

忽聞離大千世剛屆古稀却飯極樂關心鶴柱何時華表歸來

輓王子春將軍 占元

我昔客京津憶杯酒盤桓席地談天曾作幾番邂逅

公今歸浩落際干戈俶擾流風善政猶留三楚謳吟

淑媛女士于歸於梅

宗室吉益亭之女灌依之姨也

秀挹天潢桃華梅實

緣成嘉耦鴛牒鸞翔

奉天公學校十五周年

時雨春風三千佳弟子

日新月異十五好周年

九月

張樸菴子果良授室

君子好述三星在戶

德音來括九月授衣

新京東發合開幕

東底瀛洲西通沙磧

發育萬物利達三江

東麗朝暾瞳瞳日上

發榮春雨簇簇彙生

王信齋元配雷孺人輓言

恩勤一世方慶多男佇看驥子材成梓舍承歡爭奉母

辛苦半生宜膺晚福可奈鸞輿仙迓瑤池增座速歸真

代孫秀三

相伴到連灣經營商業功佐藁砧內顧可無憂淑惠賢聲頌鄰右
歸魂返樂邑縹緲仙旛鄉迎桑柘營齋酬夙績淒涼景色動悲忱

代段馨五

有子有女叶乾坤兩卦之占辛苦寓恩勤母德難酬寸草春暉誰報德
無議無非是閨壺萬家所頌慈祥播淑惠高型共仰菊花晚景有餘芳

代左子玉

佳節近重陽渚清沙白風急天高詩賦悼亡未免有情誰遣此
仙旛旋樂邑雲澹煙霏蘭芳菊秀華增秋色愴懷遠道不勝悲

代王子衡

大千秋色正清華纏綿悱惻觸景傷情潘岳悼亡詩思苦
五六兒曹劇哀痛抑塞呼搶拊心泣血皋魚哭母孝行深

代劉傑民

共稱淑德可儀型憶從前相夫教子立業持家忘不了徽音慈範
太息連灣好光景覺此後疏雨淡雲落花啼鳥都付與夕照蒼煙

代李墨林

夫稱俊傑婦亦賢明家計方助成正當百歲同歸伉儷瑟琴賡靜好
子能成材女尤淑慎前途有餘慶那料一朝獨逝淒涼旛旒擁靈輿

代安化庭

前日是重陽致弔祭敞靈筵紀伊町高秋老黃花增客感
遠途歸樂邑擁素旛輦桂櫬永平路渺露零蔓草助悲思

輓實業部中央觀象臺長後藤一郎

天象洞玄機月來日往職有攸司絕學擅專長靜測緘關曾諳造化
錦川逢鉅變電掣雷奔迫不及待前途逼險路神歸冥漠爭惜賢豪

代參議府公輓兩聯

胡咄咄之逼人適從何來遽生災變

緬超超兮元著能窺造化洞悉機緘

孰爲天下良工正宜範我馳驅周規折矩

回憶星臺絕學太息忽逢危難棟壞榱崩

代寶瑞老

狹路忽相逢胡不自我先不自我後

玄機竟難測吁天實爲之人實爲之

代增固老

能窺造化機關而跬步之間竟生奇變

所贖學人道藝嘆傳習者寡孰接淵源

輓楊母田太孺人

代孫秀三

慈算踰古稀相夫教子克嗣徽音一門好義急公遐邇均稱好模範
靈筵悵追悼旌德銘哀羣思淑惠三黨歌功頌澤朋儕胥重舊儀型

代劉傑民

佳節正重陽黃花滿地竟罷登高惟母淑性昭垂追悼靈筵成盛典
賢郎能繼述寸草春暉極思報德有子孝行薦實允稱哲嗣慰慈懷

譚巽泰授室

李穠桃天天生佳偶

蘭芳菊秀節過重陽

輓劉臨閣

代左子玉

留成績於連灣商界鉅子樂亭聞人胡算斬古稀翩然仙逝
景前徽兮學校桃李陰濃楨枿材美歎功高梓里偉矣芳型

李母佟太夫人百歲祝聯

日襄之母

三黨儀型勤宣荻畫

百齡歲月瑞藹萱堂

李日襄孝行

志潔陔蘭長依慈座

心縈寸草好報春暉

泰發合開幕

代東昇泰

泰啓三陽昭舒帀地

發育萬物峻極於天

泰華三峰崢嶸鼎峙

發揚萬象鞏固宏圖

爲鐵嶺龍首山慈清寺寫聯

慈悲靜深塵外相

清明廣大性中天

泰發合開市

代益源厚

泰豫咸亨祥徵寶市

發皇光大利冠金城

周鳴西與劉女士泰珍嘉禮

無怠無荒柔嘉維則

有嚴有翼淑慎其身

十月

輓楊奉卿

鍾毓

東渡甫歸來驚聞撒手塵寰算斬古稀竟自騎箕天上返

西窗曾伴讀憶昔接膝林盛學同私塾難忘舞勺幼齡時

賀旌表節孝劉室蘇孺人榮典

大節完成松貞竹勁
賢聲丕著玉潔冰清

輓韓潤庭

承滋

高算屆古稀維公福壽全歸羣瞻鳩杖
英聲徧新省有子賢能卓著績樹鵬江

輓孟母趙太孺人卜葬新阡

慈算尙靳古稀憶仙赴瑤池以塋域未安權行浮厝
泉壤已占吉地看魄依后土庶桂蘭永茂庇及後昆
賀談鐵隍六秩晉三

露布才華文成倚馬

天隨意境道贊猶龍

輓楊母劉太夫人

蔚藍之母

慈母播徽音憶相夫能淑順育子極恩勤萱壺咸欽八秩常留當代範
賢郎供子職或仕宦著循聲晨昏親色笑春暉報德九泉應慰老人心

永海泉孫慶和

桑梓賦歸來精神頽喪鬱有所思即氣象以觀知其必病
棣棠敦誼重奉侍殷勤久而不懈奈膏肓已入厥疾弗瘳

輓吉林程賓亭

夙欽天性肫誠和平中正道積厥躬孝友薦家庭門楣久播無疆譽
歷辦地方要務慘淡經營信孚輿論勤勞著桑梓社會能留不朽名

賀李祝三元配李室喬孺人褒揚盛典

荷國家褒懸賢孝額
作文星配增寶婺光

十一月

輓雲間馬適齋秘書

文章政事卓犖非常花甲尚未周胡召赴玉樓遽歸天上
器宇聲光欽崇有自桂枝曾經折憶名標金榜譽滿雲間

代

棠色播循聲謳歌父老撫字辛勤化寫共瞻依爭仰神君自天下
桂宮看秋榜文采風流馳名壇坫騎箕遽歸去猶留著作在人間

輓慶滿族姪

持家辦會事事勤勞憶辛苦居恆要强的生平性格
世亂匪氛般般拂逆竟癡迷靈竅辜負了一世精明

輓太清宮葛月潭方丈

修真好道棲迹松雲塵夢已早醒豈尙疑拖泥帶水
游藝閒情寄懷書畫墨池留不朽猶賸有隸古蘭馨

彩玉

彩鳳雙棲天願遂

玉龍戰退雪痕清

金子

金鈴好護芳菲質

子夜新聽宛轉吟

輓海城楊季翹元配臧宜人

東渡甫歸來忽聆吾友斷絃彈之已不成聲琴瑟回思懷靜好
南瞻增悵望頗佩徽音嗣響允矣常垂淑範管彤有煒著光輝

輓尚書府大臣郭侗伯

宗熙

以翰苑任封疆不爲不遇
胡尚書遽長逝其壞其頽

孫吉士病歿哀之

噩耗忽驚聞不盡歔歔慨歎頓感荒涼今世已虛拋弗思振作
人身非易得奈何暴棄因循自甘墮落再來應猛醒勿任癡迷

十二月

乙亥年春聯

正門

寡過未能算臻六六

遊春恰好節屆三三

中門

耳順心融純修是企

周規折矩斯道率由

東廂